

ք. Ստեփանակերտ

28 օգոստոսի 2013թ.

ՀՀ գլխավոր դատախազությունը, ի դեմս ՀՀ գլխավոր դատախազության աշխատակազմի ղեկավար Ա. Եսայանի, որը գործում է դատախազության կանոնադրության հիման վրա՝ այսուհետև Բաժանորդ, մի կողմից, և «Ղարաբաղ Տելեկոմ» ՓԲԸ-ն ի դեմս ընկերության գլխավոր տնօրեն Ռ. Յիրիկյանի, որը գործում է ընկերության կանոնադրության հիման վրա, այսուհետև՝ Օպերատոր, մյուս կողմից, կնքեցին սույն պայմանագիրը հետևյալի մասին.

1. ՊԱՅՄԱՆԱԳՐԻ ԱՈՐԿԱՆ ԵՎ ԳՈՐԾՈՂՈՒԹՅԱՆ ԺԱՄԿԵՏԸ

1.1 Օպերատորը պարտավորվում է սույն պայմանագրով նախատեսված ծավալներով, ձևով և ժամկետներում Բաժանորդին մատուցել սույն պայմանագրի N 1 հավելվածով նախատեսված ծառայություններ (այսուհետև՝ Ծառայություն), իսկ Բաժանորդը պարտավորվում է ընդունել այդ Ծառայությունը և վճարել դրա դիմաց:

1.2 Օպերատորի և Բաժանորդի փոխհարաբերությունները կարգավորվում են սույն պայմանագրով, «Էլեկտրոնային հաղորդակցության մասին» ԼՂՀ օրենքով և Հեռախոսակապի ծառայությունների մատուցման կանոններով:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1 Բաժանորդն իրավունք ունի՝

2.1.1 Պահանջել օրենքով կամ այլ նորմատիվ ակտերով նախատեսված արտոնությունների և առավելությունների ապահովում:

2.1.2 Հեռախոսակապի օգտագործման միջոցով վարել հեռախոսային խոսակցություն և տեղեկատվության փոխանակում, փոխանցում:

2.1.3 Պահանջել հեռախոսակապի ծառայությունների վճարման վերահաշվարկ կամ այդ ծառայություններից օգտվելու համար հեռախոսակապի բացակայության ժամանակահատվածում դրամական միջոցների վերադարձ:

2.1.4 Օպերատորի կողմից մատուցվող ծառայությունների չկատարման կամ ոչ պատշաճ կատարման դեպքում ներկայացնել բողոք:

2.1.5 Հրաժարվել պայմանագրով չնախատեսված ծառայությունների վճարումից:

2.2 Բաժանորդը պարտավոր է՝

2.2.1 Տեղական, միջքաղաքային և միջազգային հեռախոսակապի, հեռահաղորդակցության այլ ծառայությունների համար, որոնք կատարվում են Բաժանորդին պատկանող բաժանորդային սարքավորումների օգնությամբ, վճարումներ կատարել լրիվ ծավալով և պայմանագրում նշված ժամկետներում, իսկ այդ ժամկետի խախտման դեպքում՝ նաև սույն պայմանագրի 2.2..3 կետով նախատեսված վճարը:

2.2.2 Բաժանորդային գիծը և իր տարածքում ունեցած բաժանորդային սարքավորումները պահպանել սարքին վիճակում:

2.2.3 Նախքան պայմանագրի խզումը բաժանորդային համարի վերականգնման համար լրիվ մարել պարտքը և մուծել յուրաքանչյուր հեռախոսի անջատված ամիսների բաժանորդավճարը ու յուրաքանչյուր հեռախոսի վերականգնման վարձը՝ հաստատված սակագներով:

2.2.4 Բացառել ինքնուրույն որևէ աշխատանքի կատարումը, կապված բաժանորդային սարքավորումների և հեռախոսային գծերի հետ:

2.3 Օպերատորն իրավունք ունի՝

2.3.1 Ժամկետանց պարտքերի դիմաց ժամանակավոր անջատել Բաժանորդի բոլոր հեռախոսները :

2.3.2 Հեռախոսի ժամանակավոր անջատման առավելագույն ժամկետը լրանալուց հետո (3 ամիս) Օպերատորը վերջնականապես դադարեցնում է սույն պայմանագրի գործողությունը, իսկ Բաժանորդը կարող է նորից հեռախոսահամար ստանալ ընդհանուր հիմունքներով:

2.4 Օպերատորը պարտավոր է՝

2.4.1 Սույն պայմանագրով սահմանված պայմաններով Բաժանորդին մատուցել հեռախոսակապից օգտվելու հնարավորություն, օգտագործելով հատկացված բաժանորդային համարը:

2.4.2 Կայանային վնասվածքի դեպքում 24 ժամվա ընթացքում ապահովել հեռախոսակապի կայուն և որակյալ աշխատանքը:

3. ՊԱՅՄԱՆԱԳՐԻ ԳԻՆԸ ԵՎ ԿՃԱՐՄԱՆ ԿԱՐԳԸ

3.1 Մատուցված հեռահաղորդակցության ծառայությունների դիմաց վճարումները Բաժանորդը իրականացնում է հաշվարկային ամսվան հաջորդող ամսվա մինչև վերջին օրը ներառյալ:

3.2 Սույն պայմանագրով Օպերատորի մատուցած Ծառայության յուրաքանչյուր միավորի գինը, ներառյալ ԱԱՀ-ն, ներկայացված է սույն պայմանագրի անբաժանելի մասը կազմող N1 հավելվածում: Գինը ներառում է Օպերատորի կողմից իրականացվող բոլոր ծախսերը:

3.4 Բաժանորդը իրեն մատուցած հեռախոսակապի Ծառայությունների դիմաց վճարում է անկանխիկ՝ դրամական միջոցները Օպերատորի հաշվարկային հաշվին փոխանցելու միջոցով:

4. ԾԱՌԱՅՈՒԹՅԱՆ ՀԱՆՁՆՈՒՄԸ ԵՎ ԸՆԴՈՒՆՈՒՄԸ

4.1 Օպերատորը Ծառայությունը մատուցում է Բաժանորդին պայմանագրում նշված ծավալներով, ձևով և ժամկետներում:

4.1.1 Օպերատորի՝ Պայմանագրով նախատեսված՝ Ծառայության մատուցման փուլի) ավարտից 5 աշխատանքային օրվա ընթացքում Բաժանորդին է ներկայացնում մատուցած Ծառայության մասին իր կողմից ստորագրված հանձնման-ընդունման արձանագրության երկու օրինակ:

4.2 Բաժանորդը հանձնման-ընդունման արձանագրությունը ստանալու պահից հինգօրյա ժամկետում Օպերատորին է ներկայացնում իր կողմից ստորագրված հանձնման-ընդունման արձանագրության մեկ օրինակը:

4.3 Ծառայությունը Բաժանորդի կողմից ընդունված է համարվում երկկողմանի հանձնման-ընդունման արձանագրությունը ստորագրելու պահից:

5. ԿՈՂՄԵՐԻ ՊԱՏԱՍԽԱՆԱՏԿՈՒԹՅՈՒՆԸ

5.1 Օպերատորը պատասխանատվություն է կրում Ծառայության մատուցման որակի և սույն պայմանագրի նախատեսված պահանջների պահպանման համար:

5.2 Բաժանորդի կողմից սույն պայմանագրի 3.1 կետով նախատեսված ժամկետի խախտման համար Օպերատորը անջատում է Բաժանորդի բոլոր հեռախոսները:

5.3 Սույն պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվություն են կրում ԼԴՀ օրենսդրությամբ սահմանված կարգով:

6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ

Սույն պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին գրավոր տեղյակ պահելով մյուս կողմին:

7. ԱՅԼ ՊԱՅՄԱՆՆԵՐ

7.1 Սույն պայմանագիրն ուժի մեջ է մտնում ստորագրման պահից և գործում է անորոշ ժամկետով:

7.2 Սույն պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով:

7.3 Սույն պայմանագիրը կարգավորվում է ԼՂՀ օրենսդրությամբ:

7.4 Սույն պայմանագրի կապակցությամբ ծագած վեճերը լուծվում են բանակցությունների միջոցով:
Համաձայնություն ձեռք չբերելու դեպքում վեճերը լուծվում են դատական կարգով:

7.5 Սույն պայմանագիրը կազմված է 3 էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն պայմանագրի N 1 հավելվածը՝ բաղկացած 1 թերթից հանդիսանում է պայմանագրի անբաժանելի մասը:

7.6 Սույն պայմանագրից ծագած՝ կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Սույն պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

8. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱԿԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

Օ Պ Ե Ր Ա Տ Ո Ր

«Ղարաբաղ Տելեկոմ» ՓԲԸ

ք.Ստեփանակերտ, Ն.Ստեփանյանի, 14
Արդշինինվեստբանկ» ՓԲԸ-ի
Ստեփանակերտի մասնաճյուղ
Հ/Հ 247703333333



Ռաֆ Յիրիկյան

Կ.Տ

Բ Ա Ժ Ա Ն Ո Ր Դ

ՀՀ գլխավոր դատախազություն

ՀՀ, քաղաք Երևան
Վ. Սարգսյանի, 5
Հ/Հ 900011180081 N1 գանձ.
ՀՎՀՀ 02506634



Աշոտ Եսայան

Կ.Տ

Կ.Տ


Հ Ա Շ Վ Ա Ր Կ

ՀՀ գլխավոր դատախազությանը տրամադրված ուղիղ գծերի
վարձակալական վճարների ու
հեռախոսահամարների բաժանորդավճարների

ՀՀ	Անվանում	Քանակը	Ամսական սակագինը, ներառյալ ԱԱՀ, դրամ	Ամսական վարձը, ներառյալ ԱԱՀ, դրամ
1	Ուղիղ գիծ «107» միջբաղաբային ծառայության հետ ք. Մարտունում	1	1200	1200
2	Ուղիղ գիծ ք. Հաղրութուն	1	1200	1200
3	Հեռախոս. բաժանորդավճարներ	6	1200	7200
	74-21100; 75-51149; 75-51302; 75-51294; 76-77265; 78-21853			
	Ընդամենը			9600

Օ Պ Ե Ր Ա Տ Ո Ր

«Ղարաբաղ Տելեկոմ» ՓԲԸ



Ռալֆ Յիրիկյան

Կ.Տ

Բ Ա Ժ Ա Ն Ո Ր Դ

ՀՀ գլխավոր դատախազություն



Աշոտ Եսայան

Կ.Տ

